

# JAVNO PREDUZEĆE ZA KOMUNALNE DJELATNOSTI

## “ 6. MART” d.o.o. G O R A Ž D E

Ul.Selvera Sijerčića br. 21, Goražde

Tel/Fax: 038 221126, 221358

Broj: 1334/22

Datum: 30.12.2022. godine

Na osnovu člana 69. stav (3) Zakona o javnim nabavkama Bosne i Hercegovine („Službeni glasnik BiH“, broj: 39/14 i 59/22) i Statuta J.K.P. “6. Mart” d.o.o., v.d. direktora donosi:

### **ODLUKU**

#### **o otkazivanju postupka javne nabavke usluga**

#### **I**

Otkazuje se Otvoreni postupak javne nabavke Nabavka i isporuka električne energije broj 960-1-2-11/22, koji je na Portalu javnih nabavki objavljen- Obavještenje o nabavci broj: 960-1-2-11-3-4/22 od 08.12.2022. godine, zbog dokazivih razloga ugovornog organa koji se nisu mogli predvidjeti u vrijeme pokretanja postupka javne nabavke.

#### **II**

U skladu sa odredbama člana 70. stav (6) Zakona o javnim nabavkama, ugovorni organ će objaviti ovu odluku na web stranici Grada Goražda [www.gorazde.ba](http://www.gorazde.ba).

#### **III**

Ova odluka stupa na snagu danom donošenja

### **OBRAZLOŽENJE**

Obavještenje o nabavci objavljeno je na Portalu javnih nabavki dana 08.12.2022. godine, broj obavještenja: 960-1-2-11-3-4/22. Tenderska dokumentacija objavljena je zajedno sa navedenim obavještenjem.

Dana 14.12.2022. godine JP Elektroprivreda BiH d.d. dostavila je ugovornom organu ugovor o snabdijevanju električnom energijom za 2023. godinu, počev od 01.01.2023. godine, kao kvalificiranom kupcu električne energije. Obzirom da ugovorni organ nije našao drugog snabdjevača, u skladu sa Zakonom o električnoj energiji u Federaciji Bosne i Hercegovine ima pravo na snabdijevanje od strane javnog snabdjevača koji je dužan istog snabdijevati električnom energijom i sa kupcem zaključiti ugovor. Navedeno uzimajući u obzir i djelatnost ugovornog organa koji je prema propisima koji regulišu rad preduzeća, dužan imati uredno i neprekidno snabdijevanje električnom energijom, a kako u konkretnom slučaju ne bi potpuno ostao bez snabdijevanja električnom energijom nakon 31.12.2022. godine.

U momentu objave javne nabavke, ugovornom organu nije bio dostavljen predmetni ugovor, odnosno nije bio upoznat sa obavezom zaključenja takvog ugovora.

U momentu donošenja ove odluke olakšavajuća je okolnost ta da niti jedna ponuda nije pristigla na adresu ugovornog organa.

Obzirom da se radi o razlozima izvan kontrole ugovornog organa i koji se nisu mogli predvidjeti u vrijeme pokretanja javne nabavke, to ugovorni organ primjenom člana 69. stav 3. Zakona o javnim nabavkama donosi ovu odluku.

**Pouka o pravnom lijeku:** Protiv ove Odluke može se izjaviti žalba u roku od 10 (deset) dana od dana prijema ove Odluke, saglasno članu 97. 99. i 101. Zakona. Žalba se podnosi u najmanje 3 (tri) primjerka.

Dostaviti:

- svim ponuđačima koji su preuzeli TD
- a/a

